

Pädagogische Hochschule Graubünden
Alta scuola pedagogica dei Grigioni
Scola auta da pedagogia dal Grischun




Scola auta da pedagogia dal Grischun

nua che la scola
d'aveva professiun



Nua che teoria e pratica
van maun en maun

En il center dals studis stattan dumondas dal mintgadi da la scola u da la scolina. Il studi a la SAP GR è caracterisà entras ina ferma orientaziun vid la pratica ed è a medem temp fundà sin ina basa scientifica. Las studentas ed ils students lavuran en maniera autonoma. Reflectar e valitar l'atgna lavur e la planisaziun d'emprender èn parts da la furmaziun. Las occurrenzas d'instrucziun s'orienteschan a la varietad metodologica – da l'emprender individual tar la lavur da gruppas. Ina gronda paisa han la lavur interdisciplinara e l'emprender en projects. In'auta valor han ils roms music-creativs.



Studegiar en il Grischun
– da quai siemian auters

Cuira è il center da la Svizra dal sidost, la vita culturala è variada. Cuira ha in'atgna regiun da sport da stad e d'enviern, bliers lieus da vacanzas sco Flem, Laax, Lai/Valbella, Arosa u Tavau èn cuntanschibels cun il traffic public en curt temp. La Scola auta da pedagogia, in campus cumpressiv, è situada a l'ost, a l'ur da la citad. Lingias da bus mainan en paucas minutas da la staziun tar la scol'auta. L'atmosfera speziala porscha ina buna qualitat da studegiar. Chaussas novas ed interessantas san nascher en in pitschen spazi.



Studegiar a la SAP GR
munta s'integrar immediat
en la professiun

Occurrenzas d'instrucziun procuran per enconuschient-schas dal rom fundadas, bliers exercizis pratics ed inscuters preparan las personas d'instrucziun per lur vita da mintgadi professiunala.



Emprender
d'instruir

Avain nus sveglià Voss interess? Vulais Vos savair dapli davart il studi a la SAP GR? Gugent tramettain nus dapli infurmaziuns. Vos avais era la pussaivladad da vegnir a savair dapli durant in discurs personal.



Metter accents en
moda autonoma

La furmaziun per tuts dus studis ha sco basa tschintg secturs da studi interdisciplinars. Il studi da basa che dura in onn serva a l'introducziun en il champ professiunala da la scolina u da la scola primara sco era la verificaziun da la qualificaziun professiunala. Il studi principal che dura dus onns profundescha la furmaziun professiunala. L'accent da studi durant il terz onn intermediatescha in'ulteriura savida speziala. Per futuras magistras e magisters da la scola primara pussibiliteschjan roms d'approfondaziun en il sector music-creativ in studi adattà a las fermezzas e flaillezas individualas.

Scola auta da pedagogia:
nua che la scola
daveinta professiun

Il pli impurtant davart la SAP GR

La SAP GR è ina da 16 scolas autas da pedagogia en Svizra.
Ella cumpiglia quatter secturs:
Scolaziun da basa (scolina e scola primara)
Scolaziun da pratica professiunala
Furmaziun cuntinuada
Perscrutaziun e svilup

Buna qualitat da studegiar
La Scola auta da pedagogia dal chantun Grischun cumpiglia:
biblioteca, mensa, localitads per lavur individuala, plazzas da
lavur da computer e purschidas da sport.

Ulteriuras infurmaziuns en l'internet
Tut quai ch'è impurtant (cundiziuns d'admissiun, cuntegn dal
studi, termins e. u. v.) sa chatta en l'internet: www.phgr.ch

Adressa

Scola auta da pedagogia dal Grischun
Scalärastrasse 17, 7000 Cuira
www.phgr.ch, info@phgr.ch
Tel 081 354 03 02, Fax 081 354 03 07